

مخبر

افغانی، اجتماعی، فلسفی، تاریخی، ادبی مجموعہ دور
شیدیک آیدہ بر نعر اولتور

مضمرجات

هندستانک استقلال مجاہدہ لری «صاحبہ» یوسف ضیا
اسلام «فلسفہ و علوم» مصطفیٰ شکیب
ملوکی طیفلر «ہاتاسونک نژدندہ تخیلات» قمریہ حبیب
مخراق عشق سجودہ کلدہ، حضرت نبی عشقہ سمیرہ جمال اورہ نوس
سلجوقیلرک اقراضی زمانندہ، قونیہ علمی ضیا
ابن خلدوندہ اجتماعیات ضیاء الدینہ فخری
ہیا کل الور «ترجمہ در» شیخ شہاب الدینہ مقبول سہروردی
سہروردینک فلسفہ سی «مکاشفہ طریق» یوسف ضیا
سجیہ و ذکا اورفولی محمود
تورک متصوفلری (مرید زادہ مصطفیٰ عجزی آغا) طاہر عربی
حی بن یقطان «ابن طفیل» رشید

كل شهر حقيقت دله عجزى يورى طورمه
هپ ظل سراب بحر ايله صحرايه بقارسم

(۱۲۹۹) تاريخنده كي روسيه حربنده مقامات مباركه مسئله لر ينك آلا ديني سياحى وخامتر
وروسيه نك ايسه قدس اورتودو قوز زائر لر ينك حمايه سنه قيامى حكومت عثمانيه يي بوتون
بوتون هيچ صايه جق مداخله لر يوز كوستر مشدى بونك اوزرينه سراي هايونده وكلا ،
علما ورحالدين مركب بويوك بر مجلس مشورت عقد اولمش صريدزاده مصطفى عجزى اغاده
خاصة بومجلسه دعوت ايداشدر .

مشار اليه بركون احبا و اوداسنه مکتوبلر كوندروب جمعه كوني بويوك آلايده بولملىرى
رجا ايتمش اوكون ايسه ارتحال داربقا ايله مش اولديغندن بوكراماتندن اصل بر مرد كامل
اولدينى كلا شلمشدر . تاريخ رفايى « ۱۲۸۳ » در السنه خلقده افا حضرتلرى ناميله معروفدره
بالجى زاده :

ظاهر صريمى

حى بن يقظان

حكره نه قدر صفات كاليه وارسه هپسنى تتبع واستقرا ايدردى اونلرك هپ او فاعلك
اثرى اولارق وجوده كلديكنى كوريردى ، او فاعلدين ماعدا اوصفتلره متصف اولانلردن
فاعلك اتصافى دها احق كوريردى و بوتون صفات نقصده تتبع ايلر اونى هپسندن منز
ومبرا كوريردى .

صفات قصدن فصل منز اولماز ، نقصك معناسى عدم مخصندن وياعدم مخضله مربوطي
اولان شيدن بشقه برشى دكلدر . اكر نقصانندن منز اولماسه ايدى عدم محض هر بر
هووجوده وجود ويرن ، موجود محض اولان و بذاته واجب الوجود اولان ذاته تعلق
و تلبس ايتمش اولوردى . ديمك كه وجود اودر واو آنجق وجوددر . كالمده تمامده
كوزلكده آنجق اودر قيمت ، قدرت ، علم آنجق اودر واو آنجق اودر . (و كل شى
هالك الاوجه) ذاتندن ماعدا هر شى هالكدر . حى بن يقظانك اوتوز بيش سنه ختامنده ، عرفى
الشبو حله منتهى اولدى و قلبنده اشبو فاعل شاننده برشى يرلشدى كه اونندن بشقه هر هانكى
يرشيشى دوشونمكه مانع اوليوردى . آرتق تتبع ايتمكه اولدينى موجوداتى و اونلردن

بحث ایتمی اوتوتدی . بر درجه یه واردیکه اشیا دن هر هانکی بر شیئه کوزی ایلشیدیه
اونده بر اثر صنعت کورپردی و در عقب مصنوعی براقیر ، صانعہ انتقال ایدردی
بر درجه یه قدر که صانعہ شوقی شدتلندی . قلبی بوتون بوتون محسوس اولان (عالم ادنی) دن
چکلدی ، معقول اولان یوکسک عالمہ باغلاندی . وجودی ثابت و وجودینه هیچ بر سبب
اولمابان و بوتون اشیاک وجودینه سبب اولان اشبو یوکسک موجوده عالم اولمق درجه
و مرتبه سنی بولونجه اشبو علمک کندوسنه هانکی شی واسطه سیله حاصل وهانکی قولہ
اشبو موجوده واصل اولدیغنی بیلیمک ایستدی . صکره حاسه لرینی تفتیش ایلدی .
حاسه لر سمع ، بصر ، شم ، ذوق ، لمسدر . کوردیکه انلرک کافه سی هیچ برشی ادراک
ایتمز . آنجق جسمی و یا جسمده موجود اولان شیئی ادراک ایدیور . چونکه قوه سامعه
انجق اصواتی حس ایدر . اصوات ایسه اجسامک بر بریله مصادمه ایلدکلرنده هوانک
اهتزازاتندن وجوده کلن شیدر . باصره انجق رنگلری کوریر . شامه قوقولری طویار .
ذائقه طاتلری اکلار . لامسه سرتلکی ، یومشاقلنی ، صافلق و دوز کوندکی خشوتی
ادراک ایدر . شو حواس ظاهره مثللو قوه خیالیه دخی انجق اوزونلق ، اکلیک ،
درینلکی اولان شیئی ادراک ایدر . اشبو ادراک اولسان شیلرک بوتونی جسملرک
صفقلرنددرلر . بو حواسک شومدرکلردن بشقه برشی ادراک ایدمچکلری یوقدر . چونکه
او حسلر جسملرده یاییلمش و او جسملرک انقسامه اوغرا دقلرنده اونلرده انقسامه اوغرار
قوتلردر . بو سیبله انلرده قابل تقسیم اولان جسملردن بشقه برشی ادراک ایتمزلر .
چونکه بو قوتلر انقسامی قبول ایدن برشیده یاییلمش برشی اولورسه هیچ شییه یوق که
اشیادان بریسنی ادراک ایتدکلری زمان او شیئک انقسامیله منقسم اولورلر . شو حالده
جسمده بولنان هر هانکی قوت ؛ جسم و یا جسمه حلول ایدن شیدن بشقه سنی ادراک
ایده مز . حالبوکه واجب الوجود اولان اشبو موجودک هر جهتدن صفات اجسامدن بری
اولدینی تبین ایلشدر . بناءً علیه اونی ادراک ایتمکه هیچ بر یول یوقدر . انجق نه جسم
نه جسمه نافذ بر قوت ونه ده بوجه من الوجوه جسمه تعلقی اولان - ونه جسمده داخله
ونه ده خارج نه اوکا بتشمش نده اوندن آیری اولان برشی واسطه سیله ادراک کنه یوله
یوقدر . حالبوکه کندی ذاتی واسطه سیله او موجودی ادراک ایتدیکنی و معرفتی عنندنه
یرلشدیکنی آکلامشدی .

شوندن : نه جسم نه ده جسمانی اولان ذاتی ، واجب الوجودی ادراک ایدن کندی ذاتک ده
غیر جسمانی اولدینی وصفات اجسامدن هیچ بریسک ذاتنده بولمق جائز اولمادیغی و ذاتک ظاهر ندن
کوردیکی جسمیاتک ؛ ذاتک حقیقی اولمایوب ذاتک حقیقی ، واجب الوجود اولان موجود
مطلق ادراک ایتسنه سبب اولان شی اولدینی اوکا تجلی ایلدی : ذاتک ؛ حسریله ادراک ایلدیکی
ودریسک احاطه ایلدیکی اشبو تجسم ایدن بدنندن عبارت اولمادیغی بیلنجه جسمک یاننده
اصلا اهمیتی قالمادی . واجب الوجود اولان اشبو مبارک موجودی ادراک ایتسنه سبب اولان
کندی ذاتی تفکر ایتکه باشلادی . و کندی ذاتی واسطه سیله کندی استبصاره باشلادی ،
عجبا هلاک اولماسی ، فساد واضمحلال بولماسی ممکنیدر یوقسه دائم البقایدیر ؟ کوردی که
فساد واضمحلال جسملره عارض اوله جق صفتلردندر چونکه جسملر اوستندن بر صورتی
چیقاریر بشقه بر صورت کیر صویک هوا ، هوانک صو ، نباتک طوپراق ویا کول ، طوپراغک
نبات اولدقلری کبی . ایشه فسادک معناسی بودر . لکن جسم اولمایان وقوامنده جسمه محتاج
اولمایان و بوتون جسمانیاتدن منزله اولان شی ایچون ، هیچ شبهه یوق فساد تصور اولنماز .
حقیقی وارلغک فساد معروض اولماسی ممکن اولمادیغی نزدنده ثبوت بولونجه بدنندن
علاقه سنی کسدیکی و بدنی تربیه دن فراغت ایتدیکی زمان حالک نصل اولاجغی بیلیمک
ایسته دی . حالبوکه اولجه بدننده : ذاته آلت اولمق صلاحیتی بولندقجه بدنی آتما یاجغی اوکا
کشف اولمشیدی . بوارادی متعاقباً بوتون قوای مدرکه سنی نظرتدقیق و تفتیشدن کچردی .
قوادن هر بررینک بالقوه کاه بالفعل اولدینی کوردی . نته کیم کوز یومولدینی ویا کورمکده
اولان شیدن چور یورلیدیکی زمان قوه باصره سی بالقوه مدرک اولور .

بالقوه کوز مدرکدر دیمه نک معناسی شمذیلک کوز ادراک ایتمز مستقبلمده و آچیلوب
کورلمک شانندن اولان شیئه قارشو کلیدیکی حالده ادراک ایدر دیمکدر . بالفعل مدرکدر
دیمه نک معناسی ده شمذیلک ادراک ایدر دیمکدر .

قوتلرک ادراک کلرینک بالقوه و بالفعل اولدینی کبی قوتلرده بالقوه و بالفعل اولورلر . اشبو
قوتلرک هر برری اکر هیچ بروقت بالفعل هیچ بر شی ادراک ایتمه مشلرسه قوه ده قالدینی
مدتجه هیچ بر شی ادراک متشوق اولماز چونکه ده او قوتله برشی بیلدیکی یوقدر .
آنه دن دوغمه اعمی کبی . اکر برشی ادراک ایتدکدنصکره ادراکی فعلدن قوه یه منقلب
اولورسه قوه ده قالدینی مدتجه بالفعل ادراک مشتاق اولور . چونکه او قوه ایله ادراکی

سبقت ایتدیکی چون اوکا باغلانمش و اوکا میل و محبت پیدا ایتمشدر . کوزی صاغلام اولوب
صکره کور اولان کیمسه کی مبصراتی کورمک اشتیاقندن فارغ قالماز . وادراک اولنان
شیرک کال، بها و کوزلاککرینک یوکسک و زیاده اولسنه کوره اوکا اولان شوق دها چوق،
فقدانندن حاصل اولان اُلْم دها بویوک اولور . اونک ایچوندرکه رؤیتدن صکره کوزی
غائب ایدن کیمسه لرك اُلْمی قوه شامه سنی غائب ایدنلرك اُلْمندن دها بویوک در .

اگر اشیا میاننده : کالنه، نهایت بهاسنه، حسن و جماله غایت اولمایان بها و حسنک فوقده
اولان ونه قدر حسن و جمال، بها و کمال و ارسه هپسنک کندوسندن صدور و اونک طرفندن
یشقه لره فیضان ایدن برشی و ارسه اونی ادراک و اوکا علم و معرفت پیدا ایدن آدم بالا خره
ادراک و معرفندن محروم قالیرسه شبهه سز او یوقسوللقدیه پویان اولدینی مدتیجه پایانسز اُلْم و عذاب
ایچنده قالیرلر . نصل که اونی علی الدوام ادراک ایدن کیمسه پایانسز بر لذت و صوکی اولمایان
بر بهجت و سرور و نهایتی اولمایان بر غبطه ایچنده قالیر . حالبو که واجب الوجود اولان
موجودک بوتون اوصاف کالیه ایله متصف و بالجمله صفات نقصدن منزله اولدینی و واسطه سیله
معرفته وصولبولان شی ؛ اجسامک هیچ بریسنه بکزه میان و اجسامک چور و یوب فسادیه
فاسد اولمایان برشی اولدینی نزدنده تبیین ایلشدی . شو حالده بوادرا که مستعد و مهیا اولان
بر کیمسه بویه بر نفسه مالک اولورسه موت واسطه سیله بدنی آتوب اندن تجرد ایلدیکی
زمان ، اولمزدن اول بدنی تصرف ایدرک استخدام ایلدیکی مدت ظرفنده اشبو واجب الو-
جود اولان موجودی هیچ بیلمه مش و اونکله هیچ علاقه سی اولماش و اوکا دأثر هیچ بر
شی ایشیتمه مش ایسه او ذات ، واجب الوجود ایله قاووشمز و قاووشم دیغندن طولانی اُم و کدر
کورمز . و بوتون قوای جسمانیه سی جسمک انحلالیه محو و مضمحل اولور . بناء علیه مقتضیاتلرینه
اشتیاق و میلی اولمادیکی کی فقدانندن ده متاُم اولماز . اشبو حال ؛ کرك انسان شکلنده اولان
و کرك انسان قیلغنده اولمایان بوتون بهائم و حیوانات و حشیه نك خالیدر . ا کر اولمزدن اول
بدنی قوللان دینی مدته او موجودک وجودینه کسب و قوف ایلش ، کمال و عظمتی ، سلطنت
و قدرتی بیلش انجق اوندن اعراض ایله هوا و هوسنه تبعیت ایتش و او حالده ایکن بقه سنی
اولوم نیجه سنه تسلیم ایتش ایسه اولد کد نصکره مشاهده دن محروم قالیر و جمالی مطالعه یه
مشتاق اولور و اوزون بر عذاب و نهایتسز آلام ایچنده قالیر . اند نصکره حیات جسمانیه سنده کی
استعداد و حاضر لغنه کوره یا اوزون بر مشقتد نصکره اوالمردن قور تولور و اولجه مشتاق اولدینی

ذاتی مشاهده نائل اولور . یاخود ابدی اوله رق او الام ایچنده قالیر . لکن بدن
مفارقت ایتزدن اول واجب الوجود اولان اشبو موجودی بیلن وفکرینی اونک جلالتی
حسن و بهاسنه حصر ایدن و اولنجیه قدر اوندن یوز چویرمه ین و بالفعل اونی مشاهده
ایلدیکی و قارشوسنده بولندیغی حالده اولوم اونی یا قالایان کیمسه نفس بدنن مفارقت
ایلدیکی زمان نهایتسز برلذت ، دائمی بر غبطه ، بر سرور و فرح ایچنده قالیر . چونکه حال
حیاتنده کی مشاهده سیله مماتدن صکره کی مشاهده آراستده اتصال واردر . و اشبو مشاهده سی
کدر شائبه لرندن سالمدر . و اشبو حال و مشاهده یه نسبتله الم و شر و عوائق عدایدیلان اشبو
قوای جسمانیه نک اقتضا ایلدیکی حسی شیر اوندن آریلور .

وقتا که حی بن یقظان ذاتنک کمال ولذتنک واجب الوجود اولان اشبو موجودی هر زمان
مشاهده ایتمه منحصراً قالدیغی آکلادی . او مشاهده یی بالفعل وابدیاً ادامه ایتمه ایستدی
تا که طرفه العین بیلله اوندن اعراض ایتسون و بالفعل مشاهده ایتمکده اولدیغی بر حالده
اولومه تسلیم اولسون و المله قارشومقسنزین لذتی دوام ایلسون . نته کیم صوفیلرک شیخی و امامی
جنید حضرتلری اوله جکی صروده [اشبو حال مشاهده یه اشارت قصدیله اخوانه و مسلاک
ارقد اشلریه (اشبو زمان کندوسندن استفاده اولنه جق بر زماندر) دید کدنصکره (اها کبر)
دیه رک نمازه باشلامق ایچون تکبیر آلدی] بوندن صو کرا حی بن یقظان او موجوددن
اعراض واقع اولمامق ایچون بالفعل او مشاهده یی ادامه ایتمه فصل ونه صورتله ممکن اوله
بیلله جکفی دوشونمکه باشلادی .

صو کرا محسوساتدن بر محسوس کوزینه ایشمک و یا بعض حیواناتک سسی قولاغنه دکمک
و یا دوشونمه لرندن بر دوشونجه یه معروض قالمق و یا اعضاسنک بریسنه برخسته لق عارض اولمق
و یا اجلق و یا صوسزللق و یا صوغو قلق و یا صیجا قلقله مصاب اولمق و یا دفع طبیعی کی زمانلرندن
ماعداهر ساعت او موجود حقنده تفکر ایتمه مداومت ایدردی و عوائق مذکوره
زمانلرنده ایسه فکری خللدار اولوردی و بولوندیغی حالدن آریلیردی . انجق بر چوق
مجاهده دنصکره بولوندیغی حال مشاهده یه عودت ایدردی . غفلت و اعراض حالده آنسزین
اولوم پنجه سنه دوشه رک خسران ابدیله سو کیلیسندن محروم اولمق عذاب الیمه گرفتار اولمقدن
قورقاردی و اشبو قورقو حالی اوکا قنالق کتیریور ، بر دورلو دردینه علاج بولامیوردی .
نهایت دردینه چاره ارامق فکریله بوتون انواع حیواناتی تحری ایلله افعالرینه چالیشمقده

اولدقلى شئيه دقت ايدردى ايجلرنده اشبو موجوده واقف اولاتنى كوروب يانته كيتمك
واوندن، دوشديكى ورطه دن قورتولمسه سبب اوله جق علاجى او كرنمك املنى بسلردى.
باقدى كه هپسى انجق غدالرينى وشهوات نفسانيه لر ينك مقتضاسى اولان ييه جكلرينى
ايجه جكلرينى چفتلشمه لر ينى سرينلشمه لر ينى ايصنمه لر ينى تحصيل ايجون قوشوب چاليشيرلر
انقضاي اجلرينه دكين كيجه كوندوز انك ايجون جد وجهد ايدرلر وهيچ بريسنك
بور ايدن انحراف ايدمى جكي وهيچ بر زمان بشقه برايش ايجون چاليشه جفى كورمدى .

شو استقرا وتتبع واسطه سيله حيوانلردن كوردى شوحالردن : هيچ بريسنك
او موجوده شعورى لاحق ومشاهده سنه مشتاق اولمادىنى وهيچ بروجهله اوني بيلمديكى
وجهل سنك بوسوتون يوق اولاجقلى ويابوقلغه بگزر برحاله كاه جكلرى نظر نده تين ايلدى .
حيوانلر ك عاقبتى حقنده شوحكمى ويرنجه نباتات حقنده اولويتله عين حكمى ويره جكنى
آكلادى زيرا نباتات ايجون حاصل اولان ادراك انجق حيوانات ايجون اولان ادراك كن
بر مقدار اوله بيلير ادراكه اكمل اولان واجب الوجودى بيله جك قدر بر درجه كاله واصل
اولماز سه ادراكه دها ناقص اولان نباتك او مرتبه يه واصل اولمايه جنى اولويتله ثابت در
حالبو كه نباتك بوتون افعالى لى الاستقراء تزدى وتوليدى كچمه يه جكدور .

حيوانات و نباتات دن دردينه دوا بولمقدن مايوس اولدقدنصكره بيلد يزله، كوكلره نظر
ايلدى جمله سنك بر نسق اوزره منتظماً حركت ايتمكه اولدقلىنى وهپسنك شفاف
وضيادار اولدقلىنى افساد وتغيرى قبولدن اوزاق اولدقلىنى كوردى در عقب قوتلى
بر حدس ايله آكلادى كه شو اجرام ده واجب الوجود اولان موجودى ادراك ايدمى جك
جسميتدن باشقه بر شئ موجود در وبو، جسم وياجسمه حلول ايتمش دكلدر . شو حالده
بو اجرام ده جسم ايتدن منزله وجود واردر . نتكيم نظيرى اولان انسانلر ضعيف وامور
محسوسه يه شديد بر احتياجه محتاج ، واجسام فاسده دن اولمق كى صفات نقصه مقرون
اولملى يه برابر ذات واجبه ادراك ايدمى جك بر موجوده ، بر ذات مالكدلر واشبو نقصانيت
ذاتنك جسم وجسم خاصه لرندن برى اولمىنى وفساده معروض قالمامىنى منع ايله مه مشدر .
وشوندن اجرام سماويه نك واجب الوجودى بيلمكه مستعد بر ذات ونفسه مالك اولمىنى
انسانلردن دها اولى و احق اولدقلى تزدنده توضخ ايلدى و او اجرامك واجب الوجودى
بيلمكه وبالفعل هر زمان مشاهده ايتمكه اولديغنى بيلدى چونكه كندوسنى زمان زمان
دوام مشاهده دن قطع ايدن عوائق وعواوض محسوسه نك نظيرى اجرام سماويه ده يوقدر .

صکره حیوانلرک انواحی اراسنده اجرام سماویه مشامتتی اسلزام ایدن ذات شریفه
کندوسنک نه ایچون اختصاص پیدا ایتدیکنی دوشووندی و اولجه عناصره هاندشیلردن
بعضیسنک استحاله ایتسندن : پر یوزنده اولان شیلرک کافهسنک بولندیگی شکل و صورتده
قالما یوب اوزرنده دائما کون و فسادک تعاقب ایتکده اولدیغی و پر یوزنده بولنان
جسملرک مختلط و بربرینه ضد اولان اشیا دن مرکب اولدقلری و طولانیسیله فساد و معروض
قالدقلری و ایچلرنده صرف برشی موجود اولمادیغی التون یاقوت کی صرف و خالص اولمغه
یاقین و ترکیب شائبه سندن اوزاق اولانلرینک هیچ شهبه یوق که فساددن اوزاق اوله جنی
واجرام سماویه ایسه بسیط اولدقلری و بناء علیه فساددن اوزاق اولدقلری و اوزرنده
صور مختلفه نك توارد ایلدیکی نژدنده ثابت اولمشدی . ینه عالم کون و فسادده اولان بوتون
جسملرک بر قسمی تشکیل ایدن اسطقصارات اربعه نك جسمیت مفهومنندن فضله اوله رق
بر صورت زائده ایله حیوان و نبات کی دیگر بر قسمی بردن فضله صورتلرله تکوین
ایلدیکی دخی نژدنده تبین ایلش ایدی .

حقیقتنک قوامی دها از صورتلرله اولانلرک افعال و آثاری، دها آرو حیاندن الك اوزاق
اولان جسملردر واکر صورت واستعدادلر کلیا مفقود اولورلرسه آنده حیات دوفری
هیچ بر یول بولماز و عدمه بکزر بر حالده بولور و حقیقتنک قوامی دها چوق صورتلرله
اولان جسملرک افعالی، دها چوق و حیاته قابلیتی دها متین اولور واکر شو صورتک ،
حلول ایتدیکی ماده دن ایرلمسی قابل اوله میه جق بر حالده ایسه اوماده ده حیات صوک درجه
ظاهری ، دوامی و قوتلی اولور .

بالجمله صورتلردن مجرد اولان موجود هیولی دینیلان ماده در. آنده هیچ بر حیات
موجود دکلدر. عدمه مشابه برشیدر و صورت و حمله متقوم اولان موجود (اسطقصات
اربعه = عناصر اربعه) در که عالم کون و فسادده الك آشیانی مرتبه وجودی اشغال ایدن
بوللردر. صور کثیره بی جامع اولان اشیا هپ بوللردن ترکیب ایدر و اشبو طبائع حیاتی
الك ضعیف اولان شیلردر. انجق بر درلو حرکت مالکدرلر و حیاتلرینک ضعیف اولمسی
هر برینک غایت معتدل و طبیعتنک مقتضاسنه مخالف و صورتی دکیشدرمه که طالب بر رضدلی
موجود اولمسندن نشئت ایتمشدر. بوندن طولانی وجودلری قرار کیر دکلدر و حیاتلری
ضعیفدر. نباتک حیاتی انلرک حیاتلرندن دها قوتلیدر و حیوانک حیاتی نباتک حیاندن

دها بارزدر . چونکه اشبو مرکبک بر یسنده بر اسطقصا طبیعتی غلبه چالارسه طبائع
 باقیه بی اجرای حکمدن اسقاط و قوتلرینی ابطال ایدر .
 واشبو مرکب ، غالب اولان اسطقص حکمنی آیر و بناء علیه تضمن ایتدیکی اسطقصک
 حیاتدن آز وضعیف بر مقداردن فضله قابلیتی اولدیغی کی او اسطقصک تضمن ایدن مرکبک
 دخی حیاتدن انحق آز بر مقدار قابلیتی اوله بیلیر . واشبو مرکباتدن اسطقصلرک هیچ
 بر یسنک طبیعتی غلبه چالامایان بر مرکبک اسطقصلری متعادل اولور . ارالرنده تکافؤ و توازن
 حاصل اولور و هیچ بر یسنک قوتی ؛ دیکرینک قوتندن دیکرینک اوندن ابطال ایتدیکی
 مقداردن فضله ابطال ایده من و هربری دیکر لرنده مساوات اوزره اجرای تأثیر ایدر و او
 مرکبده هیچ بر یسنک فعل و تأثیری بشقه لرنکندن دها بارز اولماز و هیچ بر یسی او مرکبی
 استیلا ایتمز . بویله اولنجه او مرکبده کی مزاج خلیطه سی مشابهتجه اسطقصاتک هر برندن
 اوزاق دوشر و قبول ایتدیکی صورت و استعداد قارشو ضدیتده اجرای فعالیت ایده جک
 بر بشقه طبیعت یوق کی اولور اشبو اعتدال طبائع واسطه سیله او مرکب حیاتی قبوله
 مستعد اولور بو اعتدال زیاده لشدکجه دها مکمل و طبایعک برینه میل و انحرافدن اوزاقلشدکجه
 فعالیتنی اخلاخل ایده جک بر ضدک موجود اولمندن چوق اوزاق و حیاتی دها منتظم اولور .
 قلبی مسکن اتخاذ ایدن روح حیوانی یرلردن صولردن دها لطیف آتشدن هوادن دها
 کشیف اولق طولانیسیله مرکباتک الکیزیده معتدلی اولدیغندن وسط حکمنده اولوب بارز
 بر تضادله هیچ بر اسطقصه ضد اولمادی و او یوزدن صورت حیوانیتی قبوله مستعد اولدی .
 شو اعتدال زیاده لسوب دها مکمل و طبائع اربعه نک بر یسنه میل و انحرافدن اوزاق
 اولدکجه اوکا ضد و منافی موجود اولمندن اوزاقلنی دها فضله لشیر و حیاتی دها مکمل
 اولور . قلبی مسکن اتخاذ ایدن روح حیوانی ایسه یردن ، صودن دها لطیف و آتشدن
 هوادن دها قویو اولق طولانیسیله اعتدالی قوتلی اولدیغندن طبائع اراسنده متوسط بر
 طبیعت حکمنی آلدی . بللی بر تضادله اسطقصاتک هیچ بر یسیله متضاد اولدی . شوسیه
 صورت حیوانیه بی قبوله کسب استعداد ایلدی .

بابان زاده

پیتمه دی-

رشم